


OMUKWETU

Registered at the General Post Office as a Newspaper



Etungululo epe lyOshinyanyangidho

ESIKU LYEHAMBELELO LYA UTHWA

Shono sha thanekwa kokangundu ketungululo lyOshinyanyangidho, osha kolekwa wo nokEpangelongeleki. Okangundu hoka oka thaneke Oshituthihambebelelo shi ka ningwe mOngeleki ya Elok eti 11 Mai 1975 omolOshinyanyangidho shoka sha monika ishewe.

Eti 11 Mai 1973, Oshinyanyangidho shOngeleki kumwe nOsitola yomambo, oya fikilwe po thilu komuhindadhi. lilyo yOngeleki nookuume kawo ayehe yopopepi noyokokule, oya tameke okugongela iimaliwa omolwokutungulula ashihe shono sha hanaguliwa po. Kalunga okwa yambeke ehalo lyawo.

Etungo sho lya pwa ngashingeyi naayihe yi li pokulangekwa pomahala gayo, Epangelongeleki olya utha okuhiya aayenda yokomahangano ga kwatha yo, Epangelongelaki olya utha okuhiya aayenda yokomahangano ga kwatha iimaliwa ye ye tu hambelele pamwe nayo.

Oshimpwiyu shehiyo lyaayenda osha thigilwa miikaha yomukuluntutumwa nomupehawilikingeleki tate K. Dumeni. Omalongekidho omakwao ngiika otaga ka uthwa mbala wo kiilyo yEtonatelongundu lyOshinyanyangidho mbyoka tayi ka gongala lwopehulilo lyomwedhi nguka.

EHEPAULULO LAVELKSWA MOLWOUKUMWE.

Ongeleki onkwaevangeli paLuther mUu-shimba (ELK) nOngeleki onkwaevangeli paLuther yomOwambokavango (ELOK), odha ya muukumwe 1972. Ongeleki onkwaevangeli paLuther yAandowishi (DELK) nando ya kambadhala ethimbo ele okuninga oshilyo mehanganano ndika, sigo onena oya nyengwa.

Ehempululo lyongeleki ya hangana nkene yi itaala uukumwe woitaali ayehe otali landula mpaka:

Eengeleki eenghwaevangeli paLuther da hangana muSuidwes-Afrika, (VELKSWA) mOshoongaleleengeleki shado shotete oda kundafana nelitulemo oukumwe noda fiki mehepaululo moinama tai shikula apa:

Ohatu hepaulula nokutya mewiliko IO-mhepo lyapuki, otwa koneka nokutya oukumwe womuJesus Kristus itau hangwa kelalakano lopaunhu ile lopahanganano, ndelene owa yandjwa nale omaano kuJesus Kristus.

Ohatu hepaulula nokutya mEengeleki detu keembinga adishe, oukumwe owa nghundipalekwa koinima ihapu, ndelene eshi itashi tu keelele tu kale twa kanyatela kuo. Oukumwe ou twa pewa muJesus Kristus otatu tu pe oshinakuwanifwa tu kandule po keshe tuu shimwe shi li mondjila oku u keelela, keenghono dOmhepo lyapuki.

Ohatu hepaulula nokutya oukumwe ou, nande ku na shihapu tashi u kondjifa, otatu koya eengamba adishe doukwamihoko nodoilongo noku tu ninga umwe, eongalo linene laKristus mounyuni aushe aushe.

Ohatu hepaulula nokutya luhapu inatu wanifa osho twa li tu na oku shi ninga ngashi twe shi ufilwa koukumwe. Luhapu inatu hepa pamwe naavo tava hepa noinatua hafa naavo ve li mehafo. Luhapu otwa mwena eshi ovamwameme va ningwa nai nova dinwa. Luhapu twa kala ashike inatu hala okumonika apa twa ama,ponhele yokuyukilila okukwafela ovo va teelela ekwafo letu.

Ohatu hepaulula nokutya natango tuu eemwenyo detu odi li koshi yedimepo lomatimba, olo la yandjwa omaano kuJesus Kristus noye te ke tu dimina po yo nomapuko etu omefimbo la pita nota kala Omukwateli wetu wokomesho mondjila youkumwe wa yela monakwii-wa yetu.

OMULONGI LOINI A HULITHA

Egongalo IyaNtananga mOndonga, olya kanitha omulongikadhona Loini Shikongo, omugundjuka lela sho a hulitha oondjenda dhe eti 13. 2.1975 moshipangelo shEtumo mOnandjokwe.

Meme Loini nando a kala nga nuunkundi nomomakonakono goondohotola ethimbo ele, uuvu mboka we mu faalele, okwa hokololwa owe mu adha muDesemba 1974. Opo okwa kala moshipangelo mOvenduka, hoka a zi nokwa hulithile mOnandjokwe.

Konyala egongalo alihe IyaNtananga olya kala moshituthi shefumviko komatango gesiku tuu ndyoka a hulitha.

EKUNDO KOVALESHI AVESHE

Omolwekameko ishewe lilonga yOshinyanya-ngidho oshipe, nani twa tokelwa shi vule shito okupititha oshifo oshitiyali shaJanuali. Ngashinyengeyi otatu ts.kile manga naFebuluali sigo twa morio olweedhe lwokupititha oshifo oshikwawo pokati peha lyoshitiyali shaJanuali shono inaaumu mona.

Moshifo shika otamu dhimbulula nkene kwa ningwa nokuli eyelekelo li thike mpa okutala omashina kutya otaga longo ngiini. Shoka otashi ti, kutya eehedi daKalunga oda henga shili, oshivanda paife otashi monika sha fikama mokati ketu.

Ano ethikilo lyetu oli li popepi naahoka twa zi oko kokule. Eti 11 Mai otatu ka gongaleni ishe-we mpaka pOniipa tu hambeleleni Kalunga ketu omolwiilonga mbyoka ya longwa kooitaali ye. Ndishi oto dhimbulukwa kutya esiku olyo tuu ndyoka 11 Mai 1973 omotondi kwa li e tu soso?

Kalunga ne tu thikitheni ko ano tu na uukolele wa gwana.

Kaalandithi ayehe yOmukwetu nosho wo kaalandi yasho amuhe, sigo oompaka ondando yoshifo shetu inayi lunduluka nonando ondando yoombapila noondomo ya gwedhelwa. Ekanitho oli li po enene kOshinyanyangidho.

Manga inapa ningwa sha shilwe, oto vulu okuyambidhidha mokukondjitha ekanitho ndika ngele to indjipaleke omwaalu gwaalandi yoshifo gu ninge ogundji gu vule shito. Oshifo shimwe otashi gu 5c nondando yoshifo komumumvo R1,00. Endelesa u longithe okampito haka kombiliha, manga inapuu ningwa eutho li-mwe li ili.

Kalunga ne mu yambekele okulesha kweni oshifo shika nonuumvo.

OMUWILIKINGELEKI A MANGULULWA

Epangelo laEtiopia ola mangulula paife omupresidende wOngeleki onghwaevangeli Mekane Yesus, omushamane Emmanuel Abraham. Ekwato laye ola ningilwe muMai 1974 pamwe novakwanepangelo 10, omolwoilonga yEpangelo likulu lomukesari Haile Selassie, eli la kufwa koshipundi pehovelodula ya dja ko.

Omuwilikingeleki Abraham (61) wOngeleki yoilyo 210,000, okwa shiivika nawa moukumwe wOvakwaluther eshi a li oshilyo moukomisi voilonga i lili noi lili. Ovakwanepangelo vahapu mEpangelo likulu, ova dipawa navamwe ove li mepangulo okupangulilwa oilonga yavo kaya li ya talika kEpangelo lipe i na sha nouwa woshiwana. Omushamane Abraham okwa li yo oministeli yeemina mEpangelo olo, osho yo oilonga ikwao ihapu okudja 1931. Konima yeedula 11 okwa hangika a efa po oilonga yEpangelo.

Emanguluko laye ola tambulwa neshambuko linene kombelewa yOngongahanganano yOvakwaluther muGeneva. Metumwalaka la dja komupresidende wOngongahanganano, dr. Mikko Juva, omwa tiwa:

"Onghundana ei twa tambula paife otwe i hafela nohatu i pandulile Kalunga. Eshi ohatu shi shiivifile yo Eengeleki detu adishe mounyuni aushe."

SWEDEN TALI KWATHA AFRIKA

Ehangano lyAakwaluther muSweden okugandja omakwatho kumboka ye shi pumbwa olya ziminwa koshigongi shaayehe, ku gongelwe omwaalu gwiimaliwa oodola oomiliyona 8, konyala ooranda oomiliyona 5. Oshigongi osha li sha gongala muUmea. likulya, omeya oonguwo, omahala niilonga iikwawo yehumithokomeho mokati kaantu mboka ya fadhuka po miilongo yawo, oyo unene hayi longithwa niimaliwa mbyoka.

Okwa tumbulwa wo kutya omwaalu gwiimaliwa oodola dho-shiyamerika 250,000, otayi ka longa mokati kaafadhukipo yomuZambia, yomuTanzania, Mozambikwe noyaAngola. Ekwatho ekwawo otali ka tumwa kuSudan naEtiopia.

ONGELEKI OYI NA OMWENYO MOMAMAKELO GA JESUS

Jesus okwa falwa ihe kOmbepo kombuga a ka makelwe komuhindadhi. Sho kwa ningile ko omasiku omilongo ne inaa lya sha, okwa adhika ihe kondjala. Omuhindadhi okwe ya kuye ete mu makele. Mat. 4:1-11.

Otu na mpaka motekisti oshitya "peirazein" mOshigreka shoka tatu nyengwa okwaadha oondunge dhasho miitya yomalaka omakwawo. Moshiingilisa otashi ti, okuhongolola (tempt). MOshiwambo okumakela, ondunge ndjika oyi li popepi kashona.

Jesus a falwa mombuga kOmbepo a ka make-lwe. Mpaka opu na shoka sha faathana naashoka sha ningilwa omusamane Abraham sho i indliwa kuKalunga a gandje Epona lye kefikilondjambo. Kapwa li elalakano lyokufala "Abraham muulunde. Kalunga iha hongolola nando olye." Jak.1:13.

Omadhiladhilo gokumakela mpaka oge na sha nokutala ukolele nondjundo, nenge uunyengwi nuunkundi. Elalakano otali tu pe ompito yokusinda uulunde, hakisindwa kuwo.

Emakelo nge twe li pitikilwa kali shi egeelo, ihe oku tu adhimitha. Osho Jesus okwa li a ningilwa mombuga. Pokati kaJerusalem nefuta lyeso opu na olushandja olule lwa ithanwa muuyuni mbwiyaka "Jeshimmon", shoka tashi ti embonyauko. Omweendindjila gumwe molushandja ndoka, okwe lu hokolola ngeyi:

"Evi olya nika uushunga, omamanya niikuni oya halakana koombinga adhihe. Iikulundundu otayi monika ya fa oshikungulu shombepo tashi ya. Omamanya otaga umbu ombadhi ya nika uupyu ngotau zi kesiga lya hanya."

Omo moka Jesus okwa kala mo awike ta dhiladhila oshilonga shoka e shi pewa kuHe, Kalunga e shi tameke. Ota dhiladhila wo omamakelo ngoka e na okuthikamena.

Okathimbo ka Jesus komuuwike ohaka pewa omuntu kehe nenge oka pumbiwa komuntu kehe. Uuna omuntu e na okweetha eipyakidhilo alihe nokumwena a dhiladhile. Ngoka ti idhimbulula e li muuwike, na tseye Kalunga oku li omutiyali puye.

Ombepo oye mu fala mbala kombuga Mark. 1:12. Shika ohashi ningwa olwindji kutya konma yokathimbo komukumo otapu ya mbala sha, tashi kongo okuteya po omukumo ngoka. Osho sha ningilwa Omuprofeti Elia kondundu yaKarmel. 1Aak. 18:17-40 sho a kondjo naaprofeti yaBaal, ngoka kwa li a thikamena aakolokoshi yaBaal, ngashingeyi ota yi ontuku okuhupitha omwenyo gwe 1Aak. 19:3.

Jesus okwa gwile mokathimbo haka sho a hokololwa kuKalunga: Nguka Omumwandje omu-

holike onde mu hokwa." Luk. 3:22. Ekondjo olya li enene, edhigu tali alula omutima gwaJesus.

Ngame ongaangoka he makelwa aluhe, onda hala ndi kale ndi na ngoka ta vulu oku uva ko omamakelo gandje. Okathimbo kaJesus oko esimano lyOngeleki nolyomwiitaali kehe. omunyoli gwEpistoli kAaheberi ota nyola ngeyi: "Omusaseli gwetu omukuluntu kee shi ngoka ku uvitile ando uunkundi wetu ohenda, aawe. Nguka a makelwa miinima ayihe ongatseni wo, ihe kee na nando oondjo." Hebr. 4:14,15. Meni lyOngeleki amuke omamakelo otaga sindika nenge aamakelwa otaa yakulwa. Sebulon Ekandjo

Tse otu shi shi nokutya ondjugo yetu yopevi ngele tai kumuka po, tse otatu ka pewa ondjugo kuKalunga, ongulu ndjoka inaayi tungwa nomake.

Hileni Andreas

EENGELEKI TADI SHAKENE MUBO-TSWANA

Oshoongalele shEengeleki domoumbuwanhu waAfrika, otashi ka kala muBotswana eti 11 Maalitsa. Oshoongalele sholudi eli osha tengenekwa shi kale shotete moukwatya washo pahistoli. Eshi osha hokololwa komushamane John Rees, Hamushanga Ndjai wOraata yEengeleki mu S. A. (S.A.C.C.)

Oshoongalele shomafiku 7 otashi ka kaliwa kovanenenhu ovawiliki voilongo yaAfrika yamanguluka, kovawilikengeleki nokovateologi vomoilongo i lili nai lili, okukonakona emanguluko loiwana nokukandula po omautondwe pokati komihoko moumbuwanhu.

Mokati kovayenda 110, vahapu ovapopi moshooongalele, otamu ka kala yo omufitaongalo Burgess Carr, Hamushanga Ndjai woukumwe wEengeleki daAfrika (AACC). Oshoongalele osha shivwa panhokolwa yoshooongalele shehangano eli, eshi kwa li sha ongala muLusaka, Zambia muMai wa dja ko.

MuBotswana otapu ka kundafanwa unene onakwiwa youmbuwanhu waAfrika noshinakuwanifwa shEengeleki mo-keeta po ouyuki, emanguluko nedimnafanepo.

UUKUMWE WONGELEKI PAGALIKANO LYAJESUS

"Ayehe ya kale yamwe," Joh. 17:21

Ethimbo ndika otapu lalakanenwa okutsakanitha shoka Jesus e shi galikanene "Ayehe ya kale yamwe." Oongeleki onkwaLuther odha kongathana notadhi tsikile okukongathana nokuhangana. Nena otu na Ehangano lyOongeleki onkwaLuther (LWF) muuyuni auhe.

Oongeleki adhihe muuyuni, otaku kambadalwa shili okuhangana, nonena otu na Ehangano lyOongeleki muuyuni (WCC). Omalongo oga yooloka, ihe ayehe yamwe meitaalo lyomuJesus. HaOongeleki adhike dha dhimbulula oshili ndjika. Niigwana muuyuni wo nomiilongo, oya hangana. Shika oshivanawa, oshoka osho etsakanitho lyegalikano lyoJesus: "Opo ayehe ya kale yamwe." Oongeleki yetu onkwaLuther mu S.W.A. oya hangana. Ngashingeyi iilyo yayo unene aatumwa yOongeleki mboka taa zi mOongeleki onkwaLuther mUushimba, osho wo aatumwa yaELOK mboka taye ya kOshigongingeleki sha VELKSWA mE ngela 1975, otaa indilwa shili okwiitula mo okudhiladhila nokutala uukumwe mbuka nkene tau dhigininwa waa yonwe nonkene tau humithwa komeho sigo twa hangana tu ninge Oongeleki yimwe mu SWA nomu S.A.

Numvo melandulathano lyiigongi ya ELOK, omu na wo oshigongi shuukumwe wOongeleki, tashi tu gongaleke kumwe Aayanglikani, nAkatolika opo tu kundathane iinima yoshilongo shaKalunga. Kaishera, pata gwaShikuku omumvo gwa zi ko okwa tile: "Miinima mbika yehiteero, otu na okukala kumwe." Eeno shili, shika oshu uka ngele tashi kala ngeyi mOongeleki, miigwana, momagumbo, nomomahangano, unene omahangano gaagundjuka mboka oshigwana shokomeho. Nando pwa tumbulwa shika, opu na ompumbwe okuyamukula omapulo taga landula:

1. UUKUMWE OWO OSHIKE ANO?

Uukumwe otau holoka mefano lyomuntu; olutu lumwe kofi yomutse gumwe mu na omwenyo, olutu nompepo. Shika a-shihe otashi ningi omuntu gumwe, olutu lumwe. Itatu vulu okutopola iinima mbika, nena otatu yono uukumwe, nenge otatu dhipaga. Ito vulu okukutha ko omutse nenge omwenyo molutu nenge ombepo molutu, oto dhipaga. Mbika oyi na okukala kumwe.

"Omwenyo nolutu nOmbepo yi game-nwe sigo okugaluka kOmuwa Jesus." 1Tess. 5:23 Efano lyuukumwe olya yela wo mOongeleki yaKristus, kutya yimwe naJesus Oye omutse, omuyaleki, egongalo omufuko gwe. Uukumwe mbuka owo u li moondjokana dhopakriste. Momagumbo momahangano gopakriste. Uukumwe owo Jesus kumwe naantu ye mOongeleki ye. Naambaka kaye shi okukuthwa kumwe, nena oto dhipaga ngele

to kutha Jesus mOongeleki, otayi si. Onkene Jesus ota galikana muukumwe wawo naHe Kalunga ta ti: "Ayehe ya kale yamwe."

Omupuli ota tsikile:

2. Oshike tashi yono uukumwe?

Uulunde waantu, okwaavulika koohapu, omatopagulo goludhi kehe, ogo taga yono uukumwe mbuka. Naashika otashi ulike uunkundi waantu. Okwa shangwa; Mwaa kale omatopoko molutu. Ehalo lyaKalunga otali kondjitha shaashoka tashi yono uukumwe.

Otwa pewa nale uukumwe muJesus, itatu tungu we uukumwe, oshoka owa pwa nale. Kalunga gumwe, Jesus gumwe, eshasho limwe, eitaalo limwe. Ef. 4:4-7 Uulunde okwaavulika kehalo nokoohapu dhe, yaa pangele mutse. Eitedhululo neopaleko nokugalukila muukumwe, ongele oshilyo megongalo, mOongeleki, oshigwana, mondjokana osho ashike ehalo lyaJesus.

"Opo ayehe ya kale yamwe." Omupuli ota pula:

3. Oolye ya kwatelelwamo nonge ya dhiladhilwamo muukumwe mboka?

Uukumwe otau dhiladhila Oongeleki ayihe yaKristus muuyuni auhe. Mpaka itatu ningi omayoololo gOongeleki omolwomalongo, aawe. Oongeleki ndjoka tayi monika aantu ayehe yi itaala Jesus Omuna gwaKalunga Omunamwenyo, mboka ye na omwenyo naamboka ya sile meitaalo, osho wo ongundu yaayapuki megulu pamwe naJesus, ayehe mbaka olutu lumwe.

Oongeleki yimwe, omwa dhiladhilwamo mboka inaye mu mona, aankundi, aapagani mboka inaa valululwa manga. Ayehe aanona naakuluntu mOongeleki adhihe miigwana ayihe.

"Otandi ya galikanene naamboka taa itaalithwa kuyo."

Naamboka ya yono uukumwe, mbuka. Naamboka ye li muupyakadhi oku u yona, shaangoka pamukalo gwe. Oyo mbaka Jesus te ya galikanene. "Ayehe ya kale yamwe." Omupuli ta tsikile:

4. Egalikano ndika olya gwanithwa tuu?

Eyamukulo lya yela nolyoshili olyo ndika, kutya eeno, shoka osha yela. Jesus ota longo, egalikano olya gwanithwa. Tala, Aayuda oya hangana nAagrega, aapagani oya ningi aakriste, aashunimoni otaa itedhulula, uutondwe pokati kii-gwana, wa shituka ombili. Oongeleki odha hangana, niigwana oya hangana.

Ngoye oto ti omolwashike? Omolwegalikano lyaJesus: "Ayehe opo ya kale ya mwe." Tala, Jesus ota longo, ihe nando ongeyi, osha yela kutya satana wo ota longo. Omatopagulo, omateyo goondjokana, omaiteeko, omatopagulo nomakondjithathano guukumwe goludhi kehe, otaga ningwa kaantu. Aantu otaa yoolola thana omolwomalaka, pamalwaala, paukwashigwana, pauyamba nopamaitaalo niinima mbika otayi yono uukumwe.

Ihe sigo onena Jesus oko e li kolulyo

Tala kep. 5

IwaKalunga Rom. 8:34 ta tsikile okugalikana, opo ayehe ya kale yamwe. Omupuli ta pula natango: Onda hala oku uva Kalunga nkene ta tile uukumwe.

5. Kalunga naJesus nkene taa tile uukumwe.

Jesus ota simaneke Kalunga ta ti: "Nga-shi ongoye Tate u li mungame, nangame ndi li mungoye, Joh. 17:21 Nayo wo ya kale mutse." Eso lya Jesus oyo ehanganitho. Kalunga naJesus otaa tala aantu ayehe yamwe, nando a topola omagano ga yooloka. Elalakano hakutopola, ihe okutungu olutu IwaKristus Ef. 4:12

Oshoka ombepo yimwe, epangelo limwe, omutima gumwe, ohole yimwe. eitaalo, ehempululo kutya Jesus Kristus Oye gumwe. Oshoka okwa shangwa:

"Ndelene ohandi mu kumaida ovamwata, omolwedina lOmwene wetu Jesus Kristus, amushe mu kale kumwe, mu na ondaka imwe, nye muha kale mwa tukauka mokati keni, ndelene mu kale hamu udafana meendunge dimwe nomokudiladila shimwe." 1Kor. 1:10.

Mpaka opu na eyamukulo, oshoka Kalunga oye Katatugumwe. Mpaka ope na ekota, omukanka nedhiko lyuukumwe nolyo wo eyamukulo Kalunga, Jesus nOmbepo Ondjapuki otaa dhiginine uukumwe.

"Uukumwe mbuka tau popiwa mpaka ano ouni?" Osho omupuli natango ta pula.

6. Uukumwe tau popiwa mpaka

Odhoshili kutya oku na aantu ya hangana noye li muukumwe waa na ohole. Otaa yaka, taa pangula, taa dhipaga notaa nyanyukilwa muukumwe wuulunde, muukumwe wopayuni, ihe oondjo nomadhiladhilo gasatana otaga fala mekano. Uukumwe tatu popi mpaka owo mboka itaa vulu okukalapo ngele kapu na iinima tayi landula:

Oshili, eitaalo, edhimepo lyoondjo, omwenyo gwopambepo, ohole, evangeli, eshasho, oohapu dhaJesus naKalunga. Omasakramendi taga topolwa pahapu dhaJesus, Kalunga He nOmbepo Ondjapuki.

Ngele oku na uukumwe kaau na iinima ya tumbulwa, noitamu dhigininwa shoka sha tumbulwa mpaka, kapu na uukumwe shili. Nopo mpoka Jesus ta galikanene ngeyi: "Opo ayehe ya kale yamwe."

Shaangoka e li muukumwe mboka wa fatululwa mpaka, ano e li muukumwe woshili mekwatathano nuukumwe, tashi ti muKalunga katatugumwe, nena ita yoolola omumwayina, ita popile etopoko, neyooloko kehe lyaa shi lyopaKalunga. Uulunde auhe otau yoolola omuntu muKalunga notau yoolola omuntu nomuntu omukwao. Jesus awike ta vulu oku tu hanganitha naKalunga noku tu manga kumwe nomukwetu.

8. Elalakano lyuukumwe

a) Oshinima shotango melalakano lyuukumwe osho okukala muukumwe naKalunga katatugumwe aluhe sigo aluhe.

b) Atuhe tu kale nuukumwe nooyakwetu muuyuni tau ya.

c) Elalakano oyo aantu ayehe ya kale nombili, nohole, ayehe ya hupithwe.

d) Oshilonga shongeleki nomukriste kehe osho okugalikana nokupopila uukumwe mbuka.

Okugamena uukumwe nokugandja kuu-yuni womatopoko ohapu yehanganitho, okukwatha ooyakwetu shaangoka nomagano ge ngoka e ga pewa. "Ayehe opo ya kale yamwe."

e) Oshilonga noshinakugwanithwa shetu okufala **evangeli** kwaayehe, "ayehe opo ya kale yamwe." Oku na oonzi dhimwe dhaa shi dhomoshigunda shika, naandhika ondi na oku dhi eta mo, etaku kala oshigunda shimwe nomusita gumwe. Elalakano Jesus oye awike a kale Omuwa nOmusita gwOshigunda shimwe..

Pamwe naJesus nevangeli lye, otatu adha elalakano lyuukumwe.

9. Efatululohupitho

Uukumwe otu u na

Oshilonga noshinakugwanithwa shetu osho

— Okwiitaala ashike uukumwe mbuka haku u kondjitha

— Okuhempulula uukumwe mbuka ngaashi meitaalo lyaakriste ayehe.

— Okupopila nokukondjela nokuhepa omoluukumwe mbuka

— Okutaandelitha uukumwe mbuka mokukala kwesiku kehe, hamoohapu ashike.

— Okugalikanena okudhiladhila uukumwe mbuka aluhe.

— Otatu tameke pokati ketu nOmukulili, nomukwetu megumbo, megon-galo mOngeleki momukunda moshigwana sigo omuuyuni auhe, sigo muukwaaluhe.

Sigo onena Jesus ota longo, ta galikana "ayehe opo ya kale yamwe."

K. Dumeni

X X X X X X

OMUTONDI GWOSHIGWANA

Aanona naagundjuka, tu dhiladhilululeni tse tu konakoneni nawa okunwa ome-ya kehe haga kolitha, kutya otashi eta shike. Nongele otashi eta oondunge, oondunge ndhoka odhokudhigininitha omuntu tuu egumbo lye, iimaliwa ye nenge aawe. Ombimbeli otayi ti: Shoka tashi vulitha oomwenyo notashi adhitha omuntu ina kotoka mesiku lyahugunina, otashi tumbulwa mekwatathano nomeya kehe haga kolitha. Luk. 21:23-36.

Opo u tseye iikolitha shono hayi longo mela, momapunga, mehuli, miitiyanathigo, mombinzi, momutima nuuluyi nomooneeluve, lesa okambo ke na edhina OU NA TUU ONGHENDA NOSHIWANA SHOYE?

Daniel Imalwa
Oshakati

ONGELEKI OMPE ISHEWE MUUKWAMBI

Ondjakulwambinga yegongalo IyaGongo, Okando, mUukwambi, oya ningwa egongalo sho kwa tungilwa ongeleki, ompe ndjoka ya yapulilwa oshilonga shayo eti 15. 12. 1974 nokwa langekwa omusitagongalo Ismael Amupolo. Omukwanegongalo gumwe okwa hokolola oshiningwanima shika ngeyi:

Otwa pewa Ongeleki yoshinanena tse Aakando, omagano ndjoka ya yoololelwa edhina lyOmuwa 15.12.74. Otwe yi pewa omagano onke otatu yi luku "Magano". Otwa longelwa iilonga iinene twa li inaatu yi tegelela notatu pandula nokuhambelela pamwe nOmupsalomi sho ta ti:

"Omwenyo gwandje, hambelela Omuwa, noshaashoka sha kala meni lyandje, edhina lye eyapuki. Omwenyo gwandje, hambelela Omuwa, ngoye ino dhimbwa uuwanawa washa e u ku ningile". Ps. 103:1-2.

Otwa tegelelwa tu gwanithe oshinaku-gwanithwa shetu notu longe iilonga yOmuwa mOngeleki ndjika. Otatu pandula ayehe mboka ya kala mekondjo enene sigo Ongeleki ompe ya thikama. Kalunga ne mu fute ye mwene.

Tse katu vulu okutsakanitha oofuto dhenni. Kalunga, dhimbulukwa egongalo lyove.

Peha Iyegongalo
Epafras Emvula.

Ompumbwe yegongalo IyaGongo li topolwe osha etithwa po koprojeke yuunamapya nuuniimuna, yEpangelo ndjoka ya dhikwa mOgongo. Egongalo sho Iya

ONHOKOLWA YA KUFWA EENGHONO

Epangelongeleki ola kufa paife onhokolwa yalo eenghono, eshi la mona ouyelele wa wana kombinga yefaduke po lomufitaongalo womeongalo laDundja, mOukwanyama.


Omufitaongalo Jesaja Uahengo, omunya-sha lela, okwa lela eongalo laDundja konyala oule weedula mbali da dja ko nokwa fiya po eongalo 1974 ina shiivika openi a ya. Konima okwa kundanwa kutya naye mboli oku li yo mongudu yovafadukipo Ovanamibia muZambia, te va yakula pamhepo.

Epangelongeleki eshi kwa li kali na ouyelele omolwashike omufita a fiya po eongalo panghedi i li ngaha, ole mu mweneka ashike moshilonga shaye. Eufo eli ola kufwa po paife, neongalo ola tulwa melelo lomufitaongalo mupe Immanuel Mungungu.

Eengeleki mbali eenghwaevangeli paLuther dovalaule omu, ELK na ELOK, oda kanifa ovafita vavali sha enda nondjila ei.

CCC

topolwa ngeyi, aakwanegongalo yokombinga yuumbangalantu, oya kala ya nyengwa okuthika nuupu komalongelokalunga. limaliwa oya indilwa kOngongahangano yAakwaluter opo yi mane po omukundu nguka. Osha ningwa nosha tsakanithwa.



Pomafimbo nomafimbo oilonga yetungululo IOshinyanyangido eshi ya kala ihapu tai pula efimbo, omukulunhu wOshinyanyangido, tate Moses Amkongo, opo a xupife efimbo, okwa li e na okulongifa odila pokati kOwambo nOvenduka ile na Suid-Afrika. Etuko lodila ohali pona eemaila dihapu moshikando.

MUZAMBIA OYE LI MONKALO ONDHIGU, OSHIFO SHA TI

Aakiintu 30 oya thiki ishewe nuuhanona wawo uushona, nope na etegameno natango kutya hayo yahugunina. Omikithi odhi li po odhindji muunona nowindji otau si nokuli pokuvalwa, ooyina sho itaa thiki we nuupu koshilando. Ongeleki muSoomi ngele ya hala okukwatha moshinima shika, nayi shi ninge mballa.

Osho meme Anita Ailonga a hokolola onkalo yAanamibia mbo- ka ya tembukile muZambia okutameka omumvo gwa yi.

Moshifo "Kotimaa" hashi zi muSoomi, okukalamwenyo kwaNamibia kwongashingeyi nokwokomeho otaku imbi omuntu oomposi oku ku dhiladhila. Ehokololo moshifo otali ti:

MuZambia omvula oya tameka okuloka, oondjla odha kungululwa po komeya, onke ekwatho lyaafadhukipo itali thiki we nuupu. Omapya kage shi we okulongwa, oondunda dhokulala itadhi gwanene we ayehe. Opwa pumbiwa omatungo niitungitha mbala meendelelo, etonatele mokati kaagundjuka li dhigininwe natango.

Moshifo shoka omwa hokololwa wo mpoka sha zi opo aantu ya gwile monkalo ya tya ngaa- ka. Aahepekwa yaali kEpangelo lya S. A. John Ja Otto naAndreas Nuukwawo mboka ye ende niilongo yaAmerika naEuropa, oya thiki wo sigo muSoomi okukongela aafadhukipo ekwatho lyopalutu nokutonatitha natango omeho guuyuni, u tongolole shono tashi inyenge meni lyaNamibia. Ehokololo lyawo olya li po ngeyi:

Angola, Guinea Bissau, Cape Verde naMoza- mbikwe otayi manguluka, ihe muNamibia kapu na natango elongekidho lyasha. Epangelo lya S.A. otali itala natango li li omupangeli gwevi. Oya ti wo natango kutya, Ongeleki oya ningi oshindji okukwatha oshigwana.

Ngele oshigwana otashi limbililwa Ongeleki yasho nenge tashi yi popile muuwinayi, nena Ongeleki oyi li monkalo ombwinayi.

Onakuya ontuku mbaka pondje yaNamibia oyi itala natango kutya oyo iilyo yOngeleki notaa tegelele natango ekwatho lyayo moshilonga shopambepo. Oopelesenda 90 mongundu yaSWAPO oyo aakriste natango, osho ya ti:

ihe oluhodhi lwawo oye lu holola wo mpoka omolwelongelokumwe lyEpangelo naasitagongalo yamwe sho ya ti:

EPANGELO OMULONGITHI GWEKUNI

Otashi kenyeke nokweehameka omuntu sho aasita yamwe yOngeleki yi itala mEpangelo lya S.A. nokulongithwa kulyo iilonga yaa na uuyuuiki. Shoka otashi limbilike oshigwana, tashi limbililwa Ongeleki. Osho ya ti.

Payamukulo lyawo sho ya pulwa nkene taa dhiladhila elongitho lyoonkondo, aawiliki yaSWAPO mbaka oya ti nokutya SWAPO mokumangulula Namibia ita longitha ashike uupolotika woohapu, ihe noonkondo wo dhuukwii- ta. Yo etaa tsikile ko ngeyi kutya:

Elongitho lyoonkondo oshinima tashi talwa koombinga adhihe mbali, kombinga yEpangelo nokombinga yoshigwana. Epangelo otali longitha oonkondo, ye SWAPO okwe shi loloka ihe. Katwa li nando twa hala okukutha omuntu omwenyo. Mokupula kwetu uuthemba wetu, shika Epangelo ohali shi yamukula nelongitho lyoonkondo.

Namibia evi enene neyamba, ihe moka Aayafrika aaludhe ota sile mo kondjala. Uunona ohau yonuka mbala manga inaaugwanitha nokuli omimvo ntano. Osho ya hokolola.

Ethimbo ndika SWAPO okwe li tala kali na we siku nali ka shuna ompadhi konima nona-

MUAFRIKA AANTU ITAA KULUPA

lilongo 7 ayihe muAfrika mwa dhimbululwa aantu haa kulupa; Algeria, Egipti, Liberia, Libya, Mauritius, Morocco naTanzania. Miilongo oyindji aantu otaa si aagundjuka lela.

Oshilongo moka aantu taa si muugundjuka shi vule ayehe, oGuinea. Opwa konekwa wo kutya iilongo moka uunona tau si sho wa gwanitha owala omumvo gumwe ongaashi:

Liberia, Siera Leone, Rwanda, Zanzibar, Egipti, nuunona waaludhe mu Suid-Arika. Omavu taga pangele natango Arika pwaa na ehumokomeho ewanawa oku ga kelela ogo; olwiidhi okandongo, Malaria, uuvu woombuku nepulu.

To the Point

ndo pu kale omahepeko. Okwa ti:

Okukala kwetu pondje yoshilongo, hasho shi li natango egameno lyaSWAPO. Epangelo lya S.A. oli na aantu oyendji ya longekidhilwa oku tu etela oshiponga miilongo oyindji, ngashi tashi ningwa meni lyoshilongo. Nomokati kaafadhukipo wo omu na aantu ya tya ngaa- ka ya longekidhwa. Pamwe naamuka wo mu-

Helsinki nenge muTurku.

Ihe itatu ipula nuumbanda mbuka, aawe. Otatu tseyithile uyuni montaneho shono shi li po. Moshinima shaNamibia otu na oshinakugwanithwa. Oomvula odhindji otwa kala twa mangwa oku shi popya puuyeleele. Ngashingeyi ethimbo oya thiki ihe tu shi ninge.

OSHILONGA SHOPAMBEPO MOKATI KAAFADHUKIPO

Ngashingeyi opwa tengenekwa nokuli omwaa- lu gwaafadhuki po ogu li po 5,000 mboka ya za muNamibia alihe momihoko adhihe, kakele mokati kaatiligane. Ongeleki mpaka natango oyi na oshimpwiyu nuukwambepo waantu ye thike mpoka ya ya kokule noshilongo shaandjawa.

Ihe opwa dhimbululwa mokati kawo nkene Ombepo yaKalunga tayi longo oshilonga shayo. Gumwe gwawo okwa hempulula ngeyi kutya; yo oye li aatumwa yaKristus notaa kambadhala okukala ngaaka.

Oshili ndjika oyi iholola mehokololo lyoshifo tuu shoka Kotimaa, ndyoka lya ti nokutya aantu 30 mokati kawo oya kolekelwa nale nokuli meitaalo lyawo, manga yaali oya kuthilwa po omayonagulo gawo noya shuna megongalo lye nando pe na eyakulo lya simana ngeyi ope na oluhepo olunene megongalo ndyoka lyomiihwa miyakulitho yUulalelo Uuyapuki, uunene tuu iitenga nomalapi gokowalitali, osho ehokololo lyoshifo lya ti.

UUYUNI WEMANGULUKO

Aakwetu aaholike muKristus Jesus, otandi mu kumagidha mu kale mu na omukumo, oshoka otu li muuyuni tau kondjele emanguluko notashi faalele oomwenyo dhoyendji. Ihe otatu vulu ngiini okumanguluka komalutu tse oomwenyo otwe dhi manga? Tse emanguluko lyetu muJesus Kristus otwa fa tatu li pilamene. Omuwa ota ti: Tangotango kongeni oshilongo shaKalunga nuuyuki we, opo ayihe otamu yi gwedhelwa ko. Ngele tatu kongeni tango uuhamba waKalunga, otatu vulu wo okumona emanguluko lyokomalutu.

Ihe aaholike ne, otandi mu kumagidha, dhiginineni eitaalo lye ni, oshoka mekolokoto lya tya ngeyi, oto vulu okukanitha mo eitaalo lyoye. Omasiku omahugunina otaku ya uudhigu, ngashi Omuwa Jesus e shi tya; Ngele tamu mono omamakelo nenge tamu uvu oohapu oombwinayi, tseyeni uuyuni owa thiki pehulilo. Enyanyu nombili oya kana ngashingeyi moyendji.

Veronika Kaxweka

ETAU LINENE

1. Omhepo yelunduluko
Oya pepa medu letu
Okudja kEpako nOmbaye
Fiyo Oshikango nOlange
2. Omanongelo neembelewa
Oihakulilo nomaongalo
Eefitola nOinyanyangido
Ovayakuli vamo va ya.
3. Ovahongwa voshiwana
Ovayakuli va fimana
Ovanailonga yoludi keshe
Edu letu le va kanifa
4. Ouwa womedu lavo
Ketokolo lavo va dimbwifa
Ovaholike momaumbo avo
Modjuulufi yavo va kanifa
5. Oku kwa iwa otwa nyengwa
Okufika ko palutu
Ndee momailikano nomomahalelo
Mekwatafano omo ve li
6. Eyo lavo loshititima
Kuvahapu oiyolifa
Vamwe ve li tala epilalalo
Kuvamwe la ninga elipulo
7. Ngee ova hekwa ova hekwa
Ngee va pukifwa va pukifwa
Ngee ova twalwa ova twalwa
Ngee ova shilwa ova shilwa
8. Enyamukulo komalipulo
La nyengana okumonika
Kalunga aeke ta shiiva
Onakwiwa eshi tai kala
9. Onyika yavo nai teme
Nomomadu oukwalongo
Opo oshifefa shOmushiti wavo
Monghalo yavo shi monike
10. Pamba ou iho fiwa po
Naaku va ya oko u li
Ovakwaunyuni avesho ovoye
Navo yo ino va efa.
A. L. NGHIFIKUA

Efimbo tu li mulo olidjuu. Eumbo olo onhele ya fimana moilongo nomomadu aesh. Olo onhele omo Kalunga ta amene ne mo omunhu koiponga, ta shitile mo ovanhu vape. Ohandi mu indile hano kuha dimbiwe omaindililo nomaindilo o-molwovanhu avesho momadumbo avo. Ovapangeli, omalenga neehamba novalelwa vavo, opo Kalunga a amene eenehele mudo tu li mo. 1Tim. 2:1-3.
O. Ndevahoma

EKUNDO LYA ZI KU J. AMAKUTUWA

**Tirronena wa tota
Enongelo Shigambo
Ndee nomambo wa tota**

**Mpaka pwa li aalongi
ya kala metsikilo
Mbo ya pita uulongi
Ya mon' epitikilo**

**Y' ilong' oJuniolo
Ya pit' Omatilika
Ts' aakulunt' atu yolo
Sho tu nAamatilika**

**Eloka a pandula
Eloka a lukula
Shoka mwe tu longela
Shoka mwe tu yakula**

**Pamba ne mu koleke
Mbangu ne mu ndjangeke
Kalunga ne mu nyasheke
Namong' e mu yambeke**

O M U K W E T U

Oye oshifo shOngeleki onkwaevangeli paLuther yomOwambokavango. Ohashi nyanyangidhwa mOnilpa. Omukuluntu gwoshifo omumbisofu dr. Leonard Auala.
Amushanga Rev. Sebulon Ekandjo.

Ondando yoshifo komumvo muSuldwes nomuAfrika alIhe R 1, 00 kombanda yomafuta R 2, 00.

Oondando nomambesitelo naga tumwe kOmukwetu, Onilpa; P/ B. 2013, Ondangwa.

Omatseyitho agehe gomuntu mwene ohaga futiIwa kumwene.

OWAMBOKAVANGO CHURCH PRESS
PRIVATE BAG 2013, ONDANGWA, 9270.